


Xu-lhe lo Puhavekeu Tsala



Akumzapu Kuchouqo
Kiphi Kichekutsu

7



Noye tilehi Baibel lo ighono akhoto tsala lakhi timi kumtsuno kumsumave chekeu ghili ithi anima? Atsala hipau ghenguno timi aghuloshi likhino pano lokumsu shi acheni, atsala hipau ye timi xu-lhe lo ighono akhoto tsala lakhike. Hipauye wovekeu ghulokilo ghengu likhi kumono ishi ningu ghengu ghi ighono akhoto tsala lakhi shi ani. Nono atsala hipau pinyi nikeu kughuchove aye eno kukuthave aye olau suchouno kiuale shi ipeghinani keshea? Hi xu-lhe lo puhavekeu tsala ghili Akumzapu Kuchouqo kipi kichekutsu lono kishukulushi kiche piyetsu anike, tsatsala nono hipau ghili ithinishi pulo aghiaye akipi hipau tsaquishi phijulo.

1

Ampeu Jisu ye Pa Ihoayeh lono kiu tsala lono Alhou mlla chekea?

“Pano Pa saputhukeu phu Nazareth lo ighi, Pa Ihoayeh lono shichekeu toi, Pano Sabbath tsala lo Synagogue ki lo kuhou, eno Pano Kuchoyehsu phinike puthugho.” (Luk 4:16).

Khokichile: Jisu Ihoayeh ye Sabbath tsala lono Alhou mlla che.



2

Xu-lhe lo atsala khikhiu puhavepikea?

“Ikemu akutsuni ni ye Ampeu o Lhou wu Sabbath ke.” (Ipekulu 20:10). “Kughou Sabbath tsala wovekeno ... apineh dolo atsala atughuni inaqhe vuqaive kemtsa panonguno akumoki lo ighi” (Mark 16:1, 2).

Khokichile: Iniju akeu hipau khochiletsunike ghenguno kiukeno kitila phujupaghimaye sakepu avehushi ani. Kutomono Sabbath hipau pesu apineh dolo atsala atughiuke ipi pulu eno pinyi acheni. Tishi aye Sunday pesu kiu tsala pivenikya? Baibel lo pi akeuno, Sabbath tsala woveke thiu apineh dolo atsala atughini Sunday lo panonguno Jisu kithi sukumo qhopuakeu kumoki lo ighi. Kuchouno Kuchoyehsu kiqu lo Sabbath no apineh dolo atsala akutsuniu ke, eno tiye Saturday tsalake.



3

Sabbath tsala ye khilauno ighikea?

“Abothu lono Alhou no kungugha eno ayeghi Ihosu ... eno akutsunini ye Alhou no Pa kumlaqo kumtsu kishekhawe, eno akutsunini ye Pa kumlaqo kumtsu launo akulho qhive. Tishieno Alhou no akutsunini kumughatsu eno tipau shikimithetsu.” (Bothubo 1:1; 2:2, 3).



Khokichile: Alhou no thime thokha kumtsu Ihosuke ghuloki lono Sabbath ghi mulapuan. Pano atsala akutsuniu Sabbath lo akulhoqhi, tipau kumughatsu eno shikimithetsu, tiye atsala hipau akimitheshi pinyi chepenike ghengu lono ikhipe pakutashi qhitsu.

4

Ahzakutsu abidiu lo Alhou ye Sabbath ghili kishi pipuanike?

“Sabbath tsala akimitheshi qhipua chenikeu kumsuchilelu chelo. Atsala tsugho ye akumla shilo, eno nongu kumlaqo shilulo, ikemu akutsunini ye Ampeu nongu Lhou wu Sabbath ke, hipau loye nonguye kiu kumlamu shikevilo. No pina, onu eno onga pina, oqepumi eno oqelimi pina, opighi lhouxuqo pina, momu okilo shoinami akemiqo pinamu khiu pelomu akumla shipe kevilo. Kughengu Ampeu no atsala tsugho lono kungughaqo eno ayeghi, azughi eno tile kuaqo kumtsu Ihosu eno akutsunini ye akulho qhike. Tishieno Pano akutsunini kumughatsu eno tipau shikimithetsuke” (Ipekulu 20:8-11). “Tishieno Ampeu no atulapha kini shou Alhou wu lotino tipau yehpuku puakeu pesu l tsuke” (Zahkiniu 9:10).

Khokichile: Ahzakutsu chighi dolo ayehza abidiu lono Alhou no ningu vilo Sabbath pinyi lopi ahza tsu ani. Tipau no Pa wu akimithe tsalake. Ighinikeu lo timiqono Pa kimithe tsala hipau kumsumavenani ipikeu Pano ithi ake ghenguno ahza tsutighi lono atsala hipau akimitheshi pinyi niku kumsuchilelu chelo ipi puani.



5

Ahzakutsu chighi ye kilivetsu ake kumokeshea?

Ipekulu 20:1 lo, “Alhou no atsa hipaqa kumtsu piqhi” (Ipekulu 20:2-17) kuto lono ahzakutsu chighi yehpuatsu ani. Alhou no pi, Niye I shoqhi khilemu hephovemonani, momu I kichi lono piqhivekeuye Niye khilemu kilivemonani.” (Leshele 89:34). Jisu no pi, “ayehza lo chokusu lakhi puhavenikeu ye kungugha eno ayeghi puhavekeuno akumlau shinani” ipi. (Luk 16:17).

Khokichile: Kumoe. Khilemu kili puamoe. Alhou zahkutsu chighi timi qhoahji lo supu chenikeuye khilemu kilive mlae. Alhou zahkutsu chighi ye ishi kutolo timiqo tsughape aphi. Ahzakutsu abidiu lo akumulla tsala Sabbath kilimlake toi ahzakutsu kutau tokuqo ghi khilemu kilive mla.

6

Akhopemi (Apostles) miqoye akutsunini Sabbath pinyi chekeshea?

“Akhopeu Paul ye pano thosulo shichekeu toi, panongu gholono kumtsa Synagogue lo ilo, eno Sabbath kuthu kutolo Kuchoyehsu lono ikhipheno panongu sasu kuputsa eno kijiyy.” (Apostolmi 17:2). “Sabbath tsala lo Synagogue lo ilo eno iqa” (Apostolmi 13:13, 14). “Sabbath tsala lo ningu ye aphughi qhiveno aghoki mukulo wu, eno thosulo ninguno shichekeu toi akighini shi, eno ninguno iqano ninguno sasu kushulukemi totimiqo sasu kuputsa” (Apostolmi 16:13). Paul ye Sabbath kumtsu lo Synagogue lono panongu sasu kuputsache, eno Judahmiqo eno Greekmiqo kumtsu hakutho tsu che.” (Apostolmi 18:4).

Khokichile: Iye. Apostolmiqo kaku lono Paul no akukuhou puthuke ghulokilo akupulumi atighimiyo kumtsuno Sabbath tsala pinyi chekeu ghili mutsumishei ithulu ani.





7

Judahkumomiyo ghi akutsunini Sabbath lono Alhou mlla chekeshea?

Alhou no pi, "Sabbath shikuchubemo kemiqo kumugha ... eno shoinami nuliyo khiunoqono pano kutoshi ilo Ampeu gholo kuqhaluvenikeno, eno l shoqhiyo akumtoshi papelunikeno, Ino panongu ghi sasu l kimithe naghuto lo ighinani, eno panongu pelo ilo l kighini ki lo alokivishipe nani ... kughengu l ki ye shiyehqo kumtsu pelono ilo akighini shipenikeu ki ke." (Isaya 56:2, 6, 7). Akhopemiqono hitoi kutsuche.


"Kughou Judahmiqono Sabbath tsala lo akukuho ixaveke thi u Synagogue qhiveno wovekeno tile Judahkumomiqono ighieno panongu vilo, ighinikeu Sabbath lo ghi hitoikeu tsa kutsu tsulopi qhuiniju ... tipau shelo Sabbath loye aphughi kuchopu lo timiqono ighieno Alhou tsa ini." (Apostolmi 13:42, 44). Pano Sabbath kumtsu lo Synagogue lono panongu kutsupiyechu, eno Judahmi eno Greekmiyo kumtsu hakuthotsu che (Apostolmi 18:4).

Khokichile: Akukuhou puthu tighi lo akhopemiyo ye Sabbath tsala lo Judahkumomi pulu luvekemiyo kumtsu sasu Synagogue lono Alhou mlla che.



Khokichile: Kumoe. Tilehi Kuchoyehsu lo hitoikeu kupughu Ampeu Jisu nomu, Apuh Alhou nomu, momu akhopemiyo khiunomu kughoumu khilemu akutsunini Sabbath pesu atsala kutau lo kilisuvekeu tsa piqhi puamo, momu pughupuamo. Kuchou loye Baibel no hitoikeu kukutsu sasu kughokeu piqhi puani. Okutoshi hipaqo kimichijulo:

- A.** Sabbath tsala hu Alhou no kumughatsu. “Ampeu no Sabbath tsala kumughatsu, eno tipau shikimithetsu – pesu akimitheshi qhitsu” (**lpekulu 20:11**). “Alhou no akutsunini kumghatsu, eno tipau shikimithetsu” (**Bothubo 2:3**).
- B.** Khristo ye Pa wu timiqo pelo AD. 70 lo Jerusalem kutsaveke kutolo Sabbath pinyi chepenikeu tsa piqhi. AD. 70 lo Jerusalem kutsavenikeu ghili pesu Pa khopemiyo kutughutsu ghi pikeuno, “Nongu kupo tsala susutsala momu Sabbath tsala shi aghipemonike ghenguno inikhu chelo” ipi. (**Mathi 24:20**). Pano xuchileluveno kungugha lo ikuveke thiu ampe 40 kutolo Pa khopemiyo ye Sabbath pinyi chekeu ghili ithulu ani.
- C.** Totimi khiunoqono axokutsungu kivi teli pesu Jisu kithi sukumo nutsunike ghenguno ighikeno tipaqoye Sabbath pinyi chekemioke. “Jisu ye Sabbath tsala zuuno thive” (**Mark 15:37, 42**). Tipau tsala pesu timiqono Good Friday ipi kuchen. Totimiqo ye akunupu kutope qhive, eno ahzakutsu lo akeu tloi Sabbath tsala loye akulho qhive” (**Luk 23:56**). Eno “Kughou Sabbath tsala wovekeno” (**Mark 16:1**), “totimiqo ye apineh dolo atsala atighini ye akumoki lo ighi” (**Mark 16:2**). “Panonguno amulokusashi ighikelo Jisu ye apineh dolo atsala atighini inaqhe itheno xuchile ithuve aghi” (**Luk 16:9**). Tipau tsala pesu timiqono “Easter Sunday” ipi kuchen. Baibel lo akeu toi Sabbath tsala ye Easter Sunday zuuke ipi ithilo. Eno tipau tsala pesu ishi kutolo apineh dolo atsala akutsuniu Saturday ipi ku ighi aphi.
- D.** Apostolmiyo kumla ghili yehtsukeu Luk ye akumlla tsala kilivekeu ghili khilemu yehpuamo. Tilehi Baibel lo atsala hipau kikili ghili khilehimu kuha. Akhopemiyo kumla ghili yehtsukeu Luk no pano atsakiviu, Luk wu gospel ipieno yehpuakeu lo Jisu kukutsu ghili yehpuani (**Apostolmi 1:1-3**) ikemu tipaqo kumtsu lo Jisu no Sabbath tsala kilivetsukeu ghili atsa lothi lakhimu yehpuamo.



9

Kutomono ayeghi kithe lono Sabbath pinyi nani ipichenike tiye kuchou kumo keshea?

“Kungughaqo eno ayeghi kithe khikhi lno mlakeuye tishi l gizulo achenani, ipi Ampeu no pi ani. Titoi opolo kughukoqo eno ogeh ghi anani, eno aqhi kithe kumtsu lo eno Sabbath tsala kumtsulo ashi kumtsuno ighieno l gizu lono l mlla nani, ipi Ampeu no pi ani.” (Isaya 66:22, 23).

Khokichile: Iye. Baibel no pi akeuno, tiqheli kumtsu lo akupulumi xaluvekemiyo ye ayeghi kithe loghi Sabbath tsala pinyi chenani.



10

Sunday no Ampeu tsalake kumoke shea?

“Sabbath ye azukuvu tsala ipi kucheni, eno tipau ye Ampeu w akimithe tsala lakhike” (Isaya 58:13). “Timi Nu ye Sabbath tsala shou ghi Ampeu ke” (Mathi 12:8)


Khokichile: Baibel no akutsunini Sabbath pesu Ampeu tsala ipi ani (**Piyekusu 1:10**) tighenguno Sabbath tsala ye akhoto tsala lakhike. Sunday ye kuchoyehsu kiulonomu Ampeu tsala ke ipi puamo. Baibel no akutsunini Sabbath tsala pesu Ampeu tsala ke ipi mutsumishei kimichitsu ani. Ampeu no atsala tipau kumughatsu, shikimithetsu, akutsunini Sabbath ye Pa wu ke ipi ani.



11

Ningu ye Khristo xuchilekulu gihukeu shi Sunday pinyi kepuke kumokeshea?

“Ningu kumtsu azuloputsukeu (baptism) lono Khristo Jisu kithi lo kusajeveake ipikeu nonguye mtha aphikeshea? Ningu ye azuloputsu keu vechewono Pa gholo akithi lo shiqhovea, eno Khristo no kithilauno Apuh jukuvu lo xuchile ithughivekutoi, ningu ghi akuxu kithe lo chechevemaysa. Kughengu ningu ghi Pa kimihi lono Pa gholo thikuqhave, eno Pa kimihi lono Pa gholo xuchile ithughi kuqhaluveake. Hi ithilo, ningu aqau kuxu ye Pa gholono yedavea, kughengu axine phimpi ye shipuhavemayesake ghenguno, tishikeu lono nunguye itehiye axine qemi kumoveake.” (Rommi 6:3-6).



Jisu no ahzatsukeuye azuloputsukeu (Baptism) shikeu lono Pano xuchilelu keu gihulo ipi puanike thono Sunday pinyikeu lono gihulo ipi puamoke.

Khokichile: Kumoe! Baibel ye khilemu Sunday akimitheshi pinyikeu lono xuchilekulu tsala gihulo ipi puamo, tighenguno nunguye Pa zahkutsu kiqi lono Pa gihi acheni. Pano pikeuno, nonguno I kimiye aghiaye I zahkutsuqo papelo (Johan 14:15) ipikue kiqi lono. Lhokta yehza Alhou no tsu keu pesu timi no mla keu yehza lo kilisumula.

12

Tishiaye, tsutsala Sunday pinyi nikeu Baibel lo kuha ipiaye hiye khiu kukumsu lono iqipheka?

“Pano ... ado eno ayehza kilivenike kumsu” (Danel 7:25). “Nonguno nongu yehza papenike ghenguno Alhou zahkutsu ye pesu kiumu amekuhakeu lakhi shivetsu ... nongu ye adou lono I mlla acheni, kughengu nonguno timi yehza pesu kutsu achenike ghenguno” ipi Jisu no Mathi 15:6, 9 lo pipuani. “Li chinehmiqono I yehzaqo hexavetsu eno I kimithe thimeqo shikuchubevetsu ... Li w tungkupumiqono azutsumokeu martul (untempered mortar) pesu tipaqo hekudavetsu eno ‘Ampeu no hitoi shilopike’ ipi, ikemu Ampeu ye hitoi shilopi puamo” (Ezekel 22:26, 28).

Khokichile: Jisu no xuchileluveke thiu ampe 300 ghulokilo hamino Judahmiqo mithikeu lono panongu sakughuzu sasu akimitheshi Sabbath pinyi cheku tsala Saturday launo pekilipesu Sunday lo suvetsu keu lono Alhou no tungkuputsa vechewono pichho puwo puakeu tsu hu shikupuve, eno tiqheli kutomo lo timiqono hipau pape pinyi ighive. Ayehza hipau ye timi no Alhou zahkutsu hephovetsunike ghenguno mla keuke. Tishi aghie pinamu Alhou no atsala khikhi kumughavetsu eno shikimithvevetsukeu tsala, Alhou zahkutsu tipau timi lhoux lakhino kilive mlake (Akikihi 23:20)



13

Alhou zahkutsu hephovekeu ye kumsapuke kumo keshea?

“Ino ahza tsupuakeu lo noye sukuphamla, momu tipau ikhivekeumu shimla, ikemu

Ampeu o Lhou no khikhi pape lo ipi ahza otsukeno noye tipau papelo” (Zahkiniu 4:2).
Alhou tsa ye kumtsu tsughukhuike ... Pa tsaqo lo sukupha kevelo, nono ti shiveaye Pano olomi pinani, eno noye kimkimi lakhike ipi phuluvnenani” (Aholetsa 30:5, 6).



Khokichile: Alhou ye timi pelo Pa zahkutsu kilimlanikeu lakha puani, tipau ikhivemla momu sukuphamla. Alhou zahkutsu pekilivetsu akeu timi ye kumsapu kumla shi ani, kughengu Alhou yehza ye tokhoike, Pano hipau tsupuakeuye alhokusaqo launo nongu susholunikeu ghengu lonoke.

14

Paye kiu ghenguno Sabbath mlatsukea?

A. Pulhokusu michipu. “Sabbath tsala akimitheshi pinyi chenikeu kumsulu chelo, ... kughengu Alhou no atsala tsugho lono kungughaqo eno ayeghi eno tipau lo kuaqo kumtsu mlake, eno akutsunini ye akulho qhike. Tighenguno Alhou no Sabbath tsala kumughatsu eno tipau shikimithetsuke” (Ipekulu 20:8-11).

B. Qhuchilelu eno shikimithetsu keu michipu. “Ino Iwu Sabbathqo pesu panongu tsupuni, ningu dolo amichipu lakhi shi qhinike ghenguno. Tishikeu lono Niye panongu shikimithekuloo Ampeu ke ipi panongu pelo ithipenike ghenguno.” (Ezekel 20:12).

Khokichile: Alhou no Sabbath pesu amichipu kini kuqhape tsupuni. Atughuu no Pano atsala tsugho lono ayeghiqha lholuke ipikeu michipu, eno akiniuno Alhou no Pa kuka kughushu lono timi qhuchilelu eno shikimithetsukeu michipu. Hipauye Khristomiqo pelo alhoayah lono akutsunini Sabbath kimiye eno hiye Alhou no lhosukeu eno qhuchilelukeu michipu akughupu lakhike ipi ithi chepeniyeke (Ipekulu 31:13, 16, 17; Ezekel 20:20). Sabbath tsala qodanedavetsu keu ye Alhou phimogijumo mithekeu kiqi lakhike. Isaya 58:13, 14 lo Alhou no pi akeuno, “Khuno shou kumughavetsu akeno panoye pano pukhu nepa sukiqesu Pa kimithe tsala lo iloghivelopi ani.

15

Sabbath tsala akimitheshi pinyikeu ye kishi akhotokea?

“Alhou zahkutsu hexavetsukeu pesu axine ipi cheni” (I Johan 3:4). Eno “axine jume ye akithi” (Rommi 6:23). “Khiuno ahzakutsu kumtsu pape chenepi chenikemu lakhi lo pimivenikeno paye kumtsu lo pimivekeu shivae” (Jems 2:10). Khristo no ningu ghenguno ichheimewe eno ningu lau kichekiyeyekusu lakhi qhipuatsu ani, tiye ningu pelo Pa nepa lo nesughi Pa pape ighipenikeu shipuatsu anike” (I Pitor 2:21). “Paye Pa ghokulumiyo kumtsu lhokta xalunikeu Mpeu ke” (Ibrimi 5:9).



Khokichile: Hileno akuxupu shinikeo akithipu shinikeno kishenikeu ke. Alhou zahkutsu abidiu lono akutsunini Sabbath susho eno suqhetsu ani. Puloputsano Alhou zahkutsu chighi gholo lakhi likhimu hexavekeuye akipimi. Tighenguno Khristomiqo ye Khristo no shipliesukeu toi alokivishi Sabbath pinyi chelo.

16

Alhou ye sakiphemiqono Sabbath tsala jukughuchove chekeu lo kishi ta kumsu achenikea?

“Li wu chinehmiqono I zahkutsu hexavetsu acheni, eno I kimithe thimeqo shikuchubevetsu acheni. Panongu ye akimithhe ngo mithemokeu pama dolo kishekututa shilu chemo ... eno panonguno Iwu Sabbathqo launo panongu nthethi miyiluve acheni, panongu dolono Ni piputha cheni, tighenguno lno I loghu panongu shou lepukuke” (Ezekel 22:26, 31).

Khokichile: Tile Achine lo sakiphemiqono Sunday akimitheshi pinyi achenikemu kiumu akiviu shilukeu ghili ye ithichemo, Alhou no khikhi akimitheshi qhitsukeno tiye shikuchubevetsu acheni. Alhou tsala kuchou Sabbath launo panongu nthethi sukugholuve, eno panonguno kutami peloghi atsala tipau shikuchubevetsu achenipe. Titoi hipau kumla lono timi asale shikughuzeu ani. Pharisimiqono Alhou kimiye aniepi keghili shipuzu pano yehza papenike ghenguno Alhou zahkutsu chighi gholo lakhi ye pesu adou eno abokumsa shivetsukeu ghenguno Jisu no panongu sakiyi eno alomi pike (Mark 7:7-13).



17

Sabbath pinyikeu lo kuchouno timi luthu lakhi shou aghaikughi chenikeshea?

“Tsatsala nono l kimiye cheghiaye” ipi Jisu no pi, “noye l zahkutsuqo papelo” ipi.

(Johan 14:15). “Khiuno akivi shinikeu ithipulaghi shimovenikeno tiye pa ghenguno axine shivae”

(Jems 4:17). “Pa zahkutsuqo pape chekemiqo kumugha, panongu ye akuxupu subo lo achipiu ithulunani, eno khaghoqo vechesu aphughi lo ilolunani” (Piyekusu 22:14). Pa (Jisu) no panongu vilo pi, “Sabbath ye timi ghenguno mlapuani” ipi. (Mark 2:27).

Khokichile: Iye. Sabbath ye Alhou launo ighikeu ghokutsu lakhike. Pano opelo ayeghi lo akulho qhilupenikeu shi mlaputsu ani. Pa kimiye chekemiqo ye alhoayeh lono Sabbath zahkutsu papenishi acheni. Kuchouno Sabbath zahkutsu papemokeuye kikimiye kuchou kumoveake. (I Johan 2:4) Hile ningu luthu lakhino xathalumaye sakepu ani, hipau shimovekeuye shimla. Hile sutsa kivi akeuye Sabbath pinyi nikeu kishelukeulo olau shishe kumughapu ani.

Sabbath tsala lo noye thokha lo ililai ngolucheni. Mlaitha pimikeu shichemo. Tsala pekighi lo kumlaqo qhive, kilhikishi kumlaqo qhiveno ililai kungu-yeghiqha Lhou gholono odo puwolu, eno akupulumu kutamiqo sasu kumtsa Alhou mlla lu, abolomi asholokumiyo sasu kumtsa ado puwolukeu shilucheni. Ashou itsu iliuno Alhou no lhosupuakeu jukivi thimeqo juukeu ghi shicheni, lhosupuakeu thimeqo jukeu lono aghungu lo kuxu shikumtoLuku ghi shilucheni.

Akusami apamiqo xujuuno shikumtokile keu ghi shilucheni. Kulhokinimi eno kusukinimi xujuulu akeuye Sabbath pinyi lu akeu lo kumla kivi lakhike. Atsala tsugho mighimughai akumla shiveke thiu Alhou no opelo alokughunoshi okulho qhilupenike ghenguno Sabbath tsala kutope qhitsuqe. Alhou ye oghenguno akiviu puhupe qhipuatsu anikena ipi ithilo.



18

Noye atsala akutsunini Sabbath akimitheshi pinyi keu lono Alhou gihunishi anima?

Nono khochilenikeu:

Nono Iniju Keu Khochiletsu Ani

1. Ikemu Sabbath ye Judahmi ghengu likhino ke kumokeshea?

Khokichile: Kumoe. Jisu no pi, "Sabbath ye timi ghenguno mlapuani" (**Mark 2:27**). Hipau ye Judahmiqo ghengu likhino kumo, ikemu timi eno totimiqo pa momu li no khile khile xu aghie pinamu kumtsu ghenguno mlapuatsu anike. Sabbath mlaveke thi u ampe 2,500 kutolo Judahmi shiye ipeghimphi.

2. Apostolmi 20:7-12 kiqi lo, Akhopemiqo ye akimithe tsala lakhi shi ghi Sunday pinyi cheke kumokeshea?

Khokichile: Baibel kiqi lo, atsala lakhi kikihi ye kijiliu khetsunhe iloveke lono wo thojju khetsunhe iloveke lono atsala lakhi (**ayikihedo 24**) ipi kiki cheni (**Bothubo 1:5, 8, 13, 19, 23, 31; Achine 23:32**). Hitoi, kijiliu khetsunhe iloveke thiuno atsala kiki ghi ani. Titoi khetsunhe ilovekemtsa Friday tsala wovea, titoi Sabbath tsala ghi Friday khetsunhe ilovekemtsa huthuno wo Saturday khetsunhe iloveke kutolo Sabbath tsala pinyi cheni. Tighenguno Apostolmi 20 lo pi akeuye Baibel kiqi lono Sunday huthuveke thiuno momu ishi ninguno Saturday ji ipi akeu lono kuhothuoke. Ahoho hipau ye putho mta kutolo kuho, kughengu akhopeu Paul ye thanau a-a kutau izuveniake hu pa kikini hoho shikeuke (**ajo 25**) lye, panongu ye tipaji putho mta kutolo kuhove. Panonguno kijili atsumu kuhochekeu ye khilemu putho mta kuto kuhochemo. Paul ye thanau inaaheno wuwenikeu shi ani (**ajo 27**) Hipaji asho suphochu ipikeu tsa kiumu akhoto shikeumu kuha, kughengu panongu ye tsala pekighi kumtsu lo suphochu achenike ghenguno (**Apostolmi 2:46**). Tighenguno panonguye hile akighini pakutakeu lono akimitheshi ikhili ipikeu tsa kiumu kuha, momu abothu lo Khristomiqo ye hipau akhotoshi ikhiluche ipikeumu kumoke. Ahoho hipau ghili akhotoshi tsupuakeuye Eutythus xuchileputhuvetsu keu ghenguno ke. **Ezekel 46:1** lo, "Ampeu Alhou no hitoi pi, kughaki khagho alou kipela kidiu ju akeu ye akumla shikeu tsala tsugho khapuanani, ikemu Sabbath tsala loye tipau khaqhipe qhinani, eno aqhi kithe loghi tipau khaqhipe qhinani."

3. I Korinthiami 16:1, 2 lo Sunday school kumlla gho ghili pipuanike kumokeshea?

Khokichile: Moe. Hipau pikeuye aqo lono kuhokumqono mlla keu ghili pikeu kumo. Poisa hipau ye pututa ki lo luthu shi qhipuaghilopikeuke. Jerusalem lo kumulhomiqo kuphunike ghenguno Paul no Asia ghakhu lo akukuhouqo lau akukuphu kutopuaghilopi yehsu yehpuukeuke (**Rommi 15:26-28**). Akukuhou hipaqoye akimitheshi Sabbath pinyi chekemiqoke. Tighenguno Paul no panongu vilo Sabbath tsala woveke thi Sunday inaaheno panogho pekutsulunike pututa wu lo qhipuaghilo ipikeukethono tile Sunday akimithe shi kuhonikeu tsa pikeu kumoke.

4. Apineh dolo atsalaqo ye Khristo ghulokiuno pekilivetsuake kumkeshea?

Khokichile: Kumoe. Ithishekemi eno xu-lhe kiyehmiqo kumtsuno hipau lo pulokuqhakeu ani. Tsalaphi (Calendar) ye kilive aghiepimu apineh dolo atsala tsuni hotsughu chekeu (cycle) ye khilemu kilimphi. Tighenguno hi ithilo, ishi ninguno akutsunini pape chekeu hipauye Jisu no akimitheshi pinyi chekeu tsalake.

5. Johan 19:10 lo yepuakeuye, akhopemiqono Jisu xuchilekulu tsala gihukeushi Sunday pinyikeu tsupuanike kumokeshea?

Khokichile: Kumoe. Akhopemiqo ye ado hipau kutolo Jisu ye xuchile ithughivekeu pulu lumphi, panonguno aki tipau lo kumuqo ngoakeu ye Judahmiqo kumsa ghenguno ke." Kughou zuleno Jisu panongu dolo puthughu aghikeu ithulu kelo tile panongu ye akichiqhipe thughuive. Tileno Pano panongu lomi pi, "kughengu Panonguno Pano xuchileluvekeu ghili pesu wo panongu vilo pikeutsaqo pulutsumoveke ghenguno" (**Mark 16:14**). Tile panonguye Jisu no xuchile ithughivekeu tsala Sunday akimitheshi pinyi thuve ipikeu tsa khilemu kuha. Puloshoghhi Akitheu lo Sunday ipikeu ghuthu tache tsupuanu, eno tipaqo gholo lakhi lomu atsala hipau akimitheshi peithakeu ghili tsupuamo.



6. **Kolosiami 2:14-16 lo akutsunini Sabbath ikhivekeu tsupuanike kumokeshea?**

Khokichile: Khilemu kumoe. Hipau lo tsupuakeuye ampe lo tiqhetini tsalaqo pesu Sabbath tsalaqo ipi anike, eno tipaqo ye ighinikeu lo thimeqo yekukhu lakhi shi ghi pinyi chekeuke thono akutsunini akulhokiqhi tsala Sabbath ikhivetsukeu ghili pikeu kumoke. Wovekeu lo Israelmiqo no ampe lo tiqhetini tsalaqo akimitheshi pinyi chekeu tsuni ani, eno tipaqo pesu sabbathqo ipi kucheke (**Achine 23 lo phijulo**) Tiqhetimi tsala hipaqo ghi pesu Ampeu wu Sabbath ghola sukuqhatsuke. Kughengu tiqhetini tsala pinyikeu kumtsu lo akutsunini Sabbath ghi pinyi kuqhakeu lo iloghi anike ghenguno tiqhetini tsalaqo ghi pesu akutsunini Sabbath ghola kuqha no Sabbath tsalaqo ipike (**Achine 23:38**) Ikemu Ampeu no akutsunini akulho kiqhi tsala pesu Sabbath ipi ku che. Ampe lo tiqhetini ghulhu tsala hipaqo lo akhotoshi peitha chekeuye axine ghenguno pichepighi lloxu ghiqhi mlla chekeu ghi ani, eno akumla tipaqoye ighinikeu lo cross yekukhu kichepuwotsu che, eno akumla tipaqo ye cross lo Jisu yedavekeu lono kische khavetsuake. Alhou wu akutsuni Sabbath ye Adam no axine shimphi zuuno mlape qhivekeuke. Tighenguno Atsala hipau ye pesu axine launo axinemiqo xaphelunikeu yekukhu shi peithamla. Tighenguno **Kolosiami 2** lono mutsumishei axiala kututashi kimichitsu akeuno Sabbathqo ipiakeuye tiqhetini ghulhu tsalaqo khikhi ighinikeu lo cross yekukhu shitsukeu ke ipi kimichitsu ani.


7. **Rommi 14:5 lo kiu kiu tsala pimu luthu no pulokeu pinyilu nanike kumokeshea?**

Khokichile: Akiyehdo hipau kupujulo lakhino lakhi shou kughathakeu ghili tsupuan. (**ajo 4, 10, 13**). Thime shou lipi keu (**ajo 1**) kethono akumulla tsala Sabbath shou pikeu kumoke ti ithilo. Ayehza hipau ye Alhou no timi qhoahji lo supu chepenikeu shi mlatsukeu yehzake. Ikemu panonguno hipau pesu Achine lo tsala lakhi shi kuputsa, kutsalakeu shi. Judahmi Khristomiqo no pikeuno Judahkumomi Khristomiqoye panonguno pape chekeu kukhuayehqo papechemoe ipikelo Paul no panongu vilo, "khiumu khiu shou xathakeu shikevilo ipi. "Khiumu khiu shou kughatha kevalo, ayehza khikhi Achine kumla lo peithachekeu kukhuayehqo ye nongu tsughape amoveake" ipike.

Hilehi okukumsu eno injuakeu pitsulou



01



02



03



04



05



06



07



08



09



10



11



12



13



14

Akiphi hipau ghi akiphi kichekutsu 14 gholo kakhi ke.

Akiphi kumtsu lo akumzapu kuchouqo, khipauno o kuxu eno no kibolomiqo kuxu pekilivetsu kulupu ani eno tipauno nongu sasu lhokta jajupu lo ighikulupu ani. Akiphiqo gholo lakhimu vezuvekeu shikevilo.

Akiphi kichekutsu 01: Tile nono pulubeLukepu kiuana qhiveakeshea?

Akiphi kichekutsu 02: Alhou ye Tughami Ihosukeshea?

Akiphi kichekutsu 03: Akithi laono xapheluve

Akiphi kichekutsu 04: Tsutsu yeghiqha dolo Aphughi kije

Akiphi kichekutsu 05: Alokivi kulakupu tsapi

Akiphi kichekutsu 06: Atulaphaqo shou yehpukutsu

Akiphi kichekutsu 07: Xu-lhe lo atsala lakhi puhavekeu

Akiphi kichekutsu 08: Qhoi xapheluve -Jisu Khristo ideighini keu

Akiphi kichekutsu 09: Akutsughu eno Akuka

Akiphi kichekutsu 10: Kithimi ye kuchouno thiveakeshea?

Akiphi kichekutsu 11: Amiyizu ye Tughami pichepuani keshea?

Akiphi kichekutsu 12: Alokughuno mpe 1,000

Akiphi kichekutsu 13: Alhou no ashiahji kivi kupughu shitsu

Akiphi kichekutsu 14: Aghokulu ye ayezza lakhi shiveakeshea?

Kughou no no atughiu Akiphi Kichekutsu-u 14 pihqhive nikeno itaghi niu mlakiphe akiyeh lono khulo:

Amazing Facts India, Post Box No 51, Banjara Hills, Hyderabad-500034

Kimiyepu Summary Sheet hipau kishekha mphu zuwuno akiphi phijulou. Khokichile kumtsu akiphi kichekutsu lono ithulunani. Chejuno achipiu khokichile lo sutsulo. **Akikihi parentheses lo piyepuakeu (1) no khokichile achipiu ke.**

Form tipau pichivenikeu ghenguno kimiye pu “Adobe Reader” peithalo.

1) Jisu ye (1)

Sunday akimitheshi pinyi che
Akutsunini Sabbath akimitheshi pinyi che
Atsala lakhi ikhiphepe Ampeu tsuche.

2) Ampeu tsala ye (1)

Apineh dolo atsala atughiu Sunday ke
Apineh dolo tsala akutsuniu Sabbath ke
Kiukiu tsala pimu pesu Ampeu tsuvekeuke.

3) Sabbath ye (1)

Judahmi ghengu likhino mlapanike
Alhou no pulhokusu lo aqha kumtsu lo tiqheli
kumtsu lo timi kumtsu ghenguno mlapuatsu
anike
Puloshoghqi aqau lo timiqo ghengu likhino
mlatsuke.

4) Sabbath pesu Sunday lo kilisuvetsukeu ye (1)

Khristo no ke
Akhopemiqo no ke
Saphe pimi chekemi sakiphemiqono ke.

5) Alhou zahkutsu chighi lo Sabbath zahkutsu sukuqha puakeu (1)

Ishiyeh avehu shimovae
Ishikutolo kilimphi, ishikutolo timiqo
tsughape aphu
Khristo kithi lono kishekhavea.

6) Puloshoghqi Akitheu kukuhou lo akhopemiqo eno Judahkumomi amulo pebideluvekemiye (1)

Sunday akimitheshi pinyi che
Panonguno amulokutsushi aye kiu kiu
tsalamu pinyilu nani ipi kutsuche
Panongu kumtsu Sabbath tsala pinyi che.

7) Sabbath tsala ye (1)

Cross lono kishekhavea
Jisu ide ighiveke thiuno kishekhanu aphu
Qhuchileluve kemiqono Alhou kukaqha lo
ashekha kuha tishi pinyiche nani

8) Sabbath zah kutsu ye Alhou zahkutsuqo gholo lakhike ghenguno Sabbath zahkutsu hexave aye (1)

Axine shivae
Akimithe thime qodanedavetsukeu ye axine
shiveake
Ishiyeh kiumu akhoto shimovae.

9) Amulo kuchouno Jisu kimiye eno papechekemiye (1)

Jisu toi Sabbath pinyi chenani
Atsala kutau pimu akimitheshi pinyilu nani
Sunday akimitheshi pinyilu nani.

10) Sabbath ye (1)

Apineh dolo atsala atughiu Sunday ke
Apineh dolo atsala akutsuniu Saturday ke
(Friday kijiliu lono wo Saturday kijiliu kutoko)
Kiukiu tsalamu ikhiphepe Alhou tsulunani

11) Sunday pinyikeu ye (1)

Baibel tungkuputsa kiqu lo timino iqipekeu
tsalake
Ishi ningu ghenguno Alhou no pughu
puatsukeuke
Khristo xuchilekulu lono huthu eno Pentecost
lono pulovetsuke.

12) Sabbath pinyikeu ye (1)

Pano yehza momu lhoayeh shivekeu michipu lakhike

Judahmi ghenguno akhoto lakhi shive Sabbath tsala pinyikeu lo amichipu kini kuqhape ani, tiye pulhosukeu (creation) michipu eno qhuchilelukeu (redemption) michipu kuma kuqhape qni.

13) Niye Jisu no Sabbath pinyikeu kiche piyesukeu yehza papenishi ani

Iye Moe.

Kungu inju puakeqo achipilo khochile tsulo!



Tilehi kihisuvani keghenguno oje, email eno thepiu kikihi sulou.

Owu akiphi kichekutsu KUMUSA no ithuluni keghenguno "Sulou" lo inalo.

Oje :	<input type="text"/>			
Owu Email :	<input type="text"/>			
Thepiu kikihi :	<input type="text"/>			
Okungo-a :	<input type="text"/>			
Aphugui, District :	State :	Aghaqhu :	<input type="text"/>	
Pin :	Apunu mpe amqo:	Gender :	<input type="text"/>	

Anile shi no kusutsa nikeu tipau tsulou